

Siunnersuut uunga: Utoqqalinersiaqarneq pillugu Inatsisartut Inatsisaannut allannguutissatut, aamma siusinaartumik pensionisiat pillugit Inatsisartut Inatsisaannut allannguutissatut Inatsisartut Inatsisissaattut nr. 42 xx. xxxx 2023 Inatsisartut aalajangiiffigisassaattut siunnersuut.

(Toqqammavíusumik naatsorsuinermi utoqqalinersialinnut akigititaasunut naqqiut kiisalu aamma siusinaarlunilu pensionisiallit qaffasinnerpaaffissaanut akigititaasut pillugit naqqiut)

Saqqummiussissut

(Isumaginninnermut, Suliffeqarnermut, Nunamullu Namminermit Naalackersuisoq)

Siullermeerneqarnera

Matumuuna Naalackersuisut Utoqqalinersiaqarneq pillugu Inatsisartut inatsisaannut allannguut, aamma siusinaartumik pensionisiat pillugit Inatsisartut Inatsisaannut allannguut Inatsisartut aalajangiiffigisassaattut siunnersuut saqqummiuppaat.

Utoqqarnut atugassarititaasut pillugit pitsanngorsaaniarnermut 2022-mut Aningaasanut Inatsip atuutilersinneqarnerani 2022-mi aningaasat 15 mio. Kr. immikkoortinneqarsimapput, aammalu 2023 ilanngullugu 2023-miit ukiumut 30 mio.kr. illikartinneqartassallutik. Aningaasat illikartinneqartut utoqqalinersiallit- aamma siusinaartumik pensionisiallit atugaasa pitsanngorsarneqarnissaannut atorneqassapput.

Taassuma sunniuteqaatissai pillugit UPA2022 imm. 25-mik siunnersuuteqartoqarpoq, tassani utoqqalinersiallit aamma siusinaartumik pensionisiallit pillugit inatsimmi allannguutit atuutilersinneqarlutik.

Utoqqalinersiallit pillugit Inatsisartut Inatsisaanni toqqammavíusumik utoqqalinersianut akigitinneqartup annertussusaa qaffanneqarpoq, kiisalu siusinaartumik pensionisiallit pillugit Inatsisartut Inatsisaanni ilaatigut akigitinneqartunut qaffasinnerpaaffigitinneqartoq annertusineqarlunittaaq.

Inatsisissatut siunnersuutip suliarineqarnerani atuutilersinneqarneranilu tusagassiutitigut nalunaarutigineqarpoq utoqqalinersiallit ukiumut 9.000 kr-nik annertunerusumik qaammammullu akileraannginnermi 750 kr. pissarsinerusalissasut. Qaffaaneq tamanna Inatsisissatut siunnersuummi siunertarineqarsimavoq, ukiumut 9.000 kr.-mik qaffanneqassasoq. Pisumi tassanittaaq taakkartorneqarpoq siusinaarluni pensionisiallit ukiumut 5.660 kr.-nik qaffanneqassasut, qaammammut 470 kr. missaaniittumik.

Tamanna Aningaasanut Inatsisissami utaqqiisaasumik aaqqiissutaasimavoq, katillugit ukiumut 30 mio. kr.-nik naliginnaasumik ukiumut akit nalimmassarneqartarnerata saniatigut qaffaasoqarluni.

Inatsimmut allannguutissap suliarineqarnera 2021-mi aallartinneqarpoq. Suliarineqarnerani ukiumut akinut allannguutigittinneqartarsimasut kiisalu inatsisissatut siunnersuutip 2022-mi sunniuteqalernissaa ilanngutinngitsoorneqarsimapput. Piffissami tassani naatsorsuinerimi periusarinqartoq pensionisiallit ilaatigut qaammammut siunertarinqartumit 118 kr.-nik annikinnerusunik pissarsisarnerinik kinguneqarsimavoq.

Taassuma malitsigisaanik Naalakkersuisoqarfimmit novemberimi 2022-mi kommuuninut nalunaarummik nassiussaartoqarpoq, tassani 1. juuli 2022-mut kingumoortumik qaammammut 118 kr. sinneri utertinneqassasut nalunaarutigineqarluni. Kingorna kommuuninit saaffiginninnerit arlallit takkussimapput, qulaani taakkartorneqartumut nalunaarummut tunngavissaasoq ujartorneqarluni.

2022-mi Aningaasanut Inatsip atuutilersinneqarnera ilutigalugu aningaasat sinnerisa kommuuninit tunniunneqarnissaannut marloqiusamik paasisassaannngitsumik tunngavissaqalernissaq siunnersuutip qulakkiissavaa.

Taamatut oqaaseqarlunga immikkoortoq Inatsisartunit suliarineqarnissaanut ingerlateqqippara.